



BOSNA I HERCEGOVINA
FEDERACIJA BiH
KANTON SARAJEVO
OPĆINSKI SUD U SARAJEVU
Broj: 065-0-Su-20-00 1577
Sarajevo, 26.08.2020. godine



36
24

Skupština Kantona Sarajevo
Ul. Reisa Džemaludina Čauševića br. 1,
71 000 Sarajevo



Vaš broj: 01-04-27823-41/20

Poštovani,

U vezi sa poslaničkim pitanjem zastupnice Neire Dizdarević koje je Općinskom sudu u Sarajevu dostavljeno dana 04.08.2020. godine, a koje glasi: „*Da li tačna informacija da je Prekršajni sud u Sarajevu u više predmeta utvrdio da su prekršajni nalozi MUP-a KS u slučajevima nenošenja maski i nepoštivanje socijalne distance NEZAKONITI, te da nemaju obilježja prekršaja iz člana 8 stav 5 tačke d Zakona o prekršajima*“, obavještavamo vas o sljedećem:

Nakon što je Svjetska zdravstvena organizacija u martu 2020. godine proglasila pandemiju Covida-19, na teritoriji FBiH proglašeno je stanje nesreće te je, kao što vam je poznato, donijet čitav niz naredbi u cilju suzbijanja i spriječavanja širenja Covida -19.

Postupajući po donesenim naredbama, odnosno vršeći nadzor i kontrolu poštivanja istih, ovlašteni organi izdali su određen broj prekršajnih naloga po kojima je većina okrivljenih nadležnom Sudu i podnijela Zahtjev za sudske odlučivanje.

Razmatrajući po podnesenim zahtjevima, te cijeneći pritom činjenični opis radnji navedenih u prekršajnim nalogima, Sud je u svakom pojedinačnom predmetu donosio odluke u skladu sa članom 65. stav 2. odnosno članom 76. stav 1. tačke 1. Zakona o prekršajima FBiH. Sud je cijenjeno da li su okrivljeni podnijeli samo zahtjev za sudske odlučivanje ili su uz zahtjev dostavili i prijedlog za obustavu postupka. Zavisno od navedenog Sud je donosio odluke, a sve prema stanju u spisu, o odbačanju ili obustavi postupka, dok je za pojedine prekršaje (vezano za poštivanje odredbi o zabrani kretanja), okrivljene u skladu sa članom 79. Zakona o prekršajima FBiH oglasio odgovornim i kaznio u skladu sa Zakonom.

Nadalje, odgovor na delegatsko pitanje koje glasi: „*Zašto su prekršajni nalozi MUP-a KS nezakoniti, te da li građani imaju pravo na povrat sredstava uvećan za zateznu kamatu i troškove postupka koji se odnosi na povrat sredstava uvećan za zateznu kamatu i troškove postupka*“ - dat je u odredbi člana 57. Zakona o prekršajima FBiH kojom je regulisano da "Okrivljeni može prihvatiti odgovornost za prekršaj tako što će platiti novčanu kaznu i sve druge obaveze utvrđene prekršajnim nalogom u određenom roku. Svaka osoba koja je prihvatila odgovornost sukladno ovom članu ne može kasnije odbijati odgovornost ili se žaliti na visinu kazne ili vrstu bilo koje sankcije ili troškova".

Citirana zakonska odredba je imperativna te samim tim u prekršajnom postupku po plaćenom prekršajnom nalogu ne propisuje drugačije postupanje suda.

S poštovanjem,



Općinski sud u Sarajevu, Šenoina 1, 71 000 Sarajevo, FBiH
Tel. 033/567-700; Fax: 033/227-148
Web: www.oss.ba; email: info@oss.ba